

桂留山房詞集

言詞者必南宋猶言詩者必盛唐也南宋詞人不下數十家惟白石道人以稱詩著而不免爲詞所掩他如玉田竹屋夢窗草窗皆以倚聲擅絕而不以詩名荀卿子曰藝之精者不兩能言乎予齒去角才各有所偏至也我朝朱竹垞先生則不然曝書亭集中所載詩詞膾炙人口至今無所軒輊豈天之所賦固有獨全者耶寶山沈夢塘同年以能詩鳴一時鉅公爭爲倒屣沒後令似仲貽世講以詩付刊行世又以其桂畱山房詞集寄子屬爲一言讀之思致鏗刻翕清煦鮮借徑於小長蘆而浸淫於南宋諸家之閩輿時輩之工詞者莫之先焉世

之知夢塘之詩者未必皆知其詞讀其詞者未知其視
竹垞爲何如要其才之所賦兩能而非有所偏至者舍
夢塘其又誰屬也仲貽承庭誥方雅劬學其必有印證
於予言也夫

道光戊戌春正月年愚弟徐元潤謹題

桂畱山房詞集

寶山沈學淵夢塘

虞美人

牡丹枝上花房小
碧玉迴身抱不須多費買
胭脂直得一錢容易看
西施琵琶大小聲嘈切
一例無分別
雪兒風貌比紅兒
誰是玉皇香案護花司

滿庭芳

題陸萊臧西湖詩夢圖

客路風情壻鄉才
調睂痕翠上湖樓
梅花眷屬歛具挈
扁舟況有樵青同住
迎雙槳西塞山頭
花時節一年鴛

夢飛過泖湖秋 無端催別去 驟網續斷與浪沈浮耐
蕭蕭襪被冷 照鐙籌回首 雙聲詩譜記衫痕 酒斚杭州
吟魂遠 段家橋北 疏柳月如鉤

百字令

題蕭子滂大江秋艇圖

圖爲潘冰蟾
女史所畫

青山排岸指江南 江北者般形勢 不信蘭閨三寸筆 邱
壑胷中如此 楓雨吹紅 荻霜夢白 添入涼秋意 篷窗吟
眺 羨君身在畫裏 憶我東渡滄溟北 浮泗汴南望愁
揚子 可惜潯陽西去路 尙欠征帆千里 詞客黃州霸才
赤壁多少傷心史 中流擊楫 便干吾輩何事

木蘭花慢

題倪脩亭夫人拔釵沽酒圖

脩然林下致簪具外只琴書羨偕隱江頭蛤田蟹舍更有鱸魚獨少碧甌春釀指鬢邊一笑轉躊躇且作今宵料理拌停明日妝梳
茹蘆染就布衣裾花下挽雙車
比博黍烹雛釀薪飼馬同此蕭疎十柳田家無恙周泉南與
夫人偕隱處
名十柳田家
命家人種秫徧邨墟卻有高軒頻過又提
佳話當初

綺羅香

鎙花

錦被初溫薰籠斜倚正是黃昏人倦喚別銀釭可惜落
紅如霞恰暈出雙穗煙痕誰綴就一枝花瓣更憐他落
盡重生垂頭無語背人綻 當時舊夢難續可憶敲棊
獨坐殘更過半暗祝心期曾把客程遙算記鵲噪畫閣
親聞又蛛絲茜裙低絆恰今夜卜罷金錢一花明枕畔
臨江仙

題鐙謎錄

戰茗徵瓜容易了紗籠夜色搖紅壁箋縷縷試春風辛

鑿題孝女酸醋浸曹公

謎語春鐙翻雜劇

福王時阮懷寧進春

鉅謎

冰紈細字偏工歌殘玉樹戍樓空興亡千古事一

請劇

笑付雕蟲

洞仙歌

雪美人

迴風庭院正香吹羅襖如此嬋娟可憐否笑嬌偏貯屋
寒不勝樓將伊較還算尋常姿首 水精簾不卷嫩月
微黃比似姮娥一分瘦易逐采雲飛玉筍低垂問底事
春風先逗料作聘今番正同時但除卻梅花更誰銷受
菩薩蠻

舟中戲贈

南徐南去蘭陵近春波照見花枝影酒醒怕今宵櫓聲

帶夢搖浮萍吹柳絮客我兼旬住再住太無因人歸
又送春

高陽臺

許關雨泊

舵尾潮生街頭泥滑夜鐙水市停舟莫雨惜惜隔谿人
掩紅樓春寒易醒離人夢喚誰添一角衾裯數更籌慣
賦閒情易惹閒愁溼雲圍住東風峭奈早春山翠黯
澹如秋短驛長隄滿天雨下蘇州柳絲乍作長條絆絆
征人一路勾留倚江頭聲打篷窗影颭鐙篝

金縷曲

莫雪蘭陵驛買扁舟前生注定似曾相識一霎東風憐
薄命開徧桃花無色便隔斷王昌消息阿母呼來攜共
住料春愁一段銷難得小家女好風格 我來不是尋
春客奈平生熱腸冷眼心非鐵石金贖蛾眉容易事十
斛明珠應直定不比天孫營室錦瑟華年須記取盼長
安方便題鴻翼貪小住總無益

滿庭芳

汴上道中風霾翳目因憶阻風邵埭信宿畱人彈
指一旬鴻南燕北馱鈴獨語和以此詞

塘口荷花舟中桃葉打頭日日東風雙眠畫槳人語鏡

南唐書
卷一百一十五
五
畱中況有江湖佳話寄生草低絆喬松殷勤囑封姨畱
客此去莫怱怱銷魂羌笛裏黃河一曲抵死催儂奈
梁嵇蘆簟殘夢惺忪今日齊南魯北撲征衣三斗塵紅
四風想江南水驛何處泊春篷

江南好

江南好畫舫買蘭陵小雪晴時微見月上元節後未收
鐙人在艤舟亭

蘭陵好舵尾載吳孃喚取雪兒調飲饌拓開雲母看梳
妝故故倚篷窗

吳孃好眉黛蹙雙顰主簿定情通叩叩女嬃薄怒詈申

申忍淚話酸辛

酸辛處春夢薄如雲手拍胡笳憐蔡女心挑錦瑟怨文君相對各銷魂

銷魂處眾裏忽矜持
綢繆花難成夜合寄生草已絆相思旖旎背人時

矜持甚慧眼恰多情
茗汁憎寒重熳盞荔漿趁熱替調羹何事不干卿

多情甚密約問刀鐶
竝坐教翻金葉子隔宵私贈玉連環請上望夫山

金縷曲

題韻香道人空山聽雨圖

一樣瀟瀟雨卷西風垂簾人瘦淒涼如許翠被寒多春
夢短了卻飛花飛絮夏響入秋階蛩語嚙盡明珠雙
薄耐牽蘿補屋空山住欹枕聽向誰訴 靈飛細楷添
睂嫵夏閒寫竹梢拳石蘭芽香譜一領葵衫貪入道福
慧人間無主道人居福慧雙脩庵怕惱亂今番情緒桐葉蕉心聽
未得照涼鐙不散愁千縷和幽怨拂絃柱

睂嫵

題伊少沂內史胡素三夫人畫蘭扇子

羨寒山別業天水湖亭相約同心語粉綃忝膠石螺研

黛比肩人鬪睂嫵夢回湘浦吮纖毫譜就香譜更熨貼
商量細把山石重補如許蘭閨仙侶怎天涯芳草盼
斷羈旅出入君懷裏殷勤寄春風一翦心緒不如歸去
寫香痕彈入絃柱正扇影團圓對明月共延佇

東風第一枝

題少沂紅綠梅

翠羽嘯煙朱顏暈酒春風作意婀娜是誰半面宮妝分
明趁時梳裏巡檐微笑有幾許脂圓釵韞怎禁他綠意
紅情猶被雪孃淡鎖臨水照額花未妥和月寫鬢雲
欲墮最宜九九銷寒略忝黛痕幾朶雙描沒骨須絕世

佳人竝坐奈箇儂愁買胭脂賸了綠陰酸果

滿江紅

邗上贈姚半林秀才卽題其填詞圖

春早來時快展讀新詞一卷便不覺辦香低拜露薺手
盟芳草乍黏南浦夢落花又逐東門餞待秋風八月廣
陵濤初相見風雅事無人管慷慨說誰能遣況塵紅
酒綠悲淡笑淺僕病未能書七發君才何止歌三變倩
蕭蕭蘆荻和哀絃秋聲館

金縷曲

邗江行館送古泉北上時伴其女弟冰蟾女史入

都成婚

鈴鐸三千里正恩恩我纔歸也君方行矣折盡淮南江北柳送我送君皆是怕重說悲歌燕市葛帔西風須護惜看絲絲母綫裁衫履婚嫁願風塵裏左家有妹臣才似算近來詩囊畫幃掃眉才子岸是大雷人詠雪省卻家書一紙但須憶倚閭人耳我作靈脩我事畢笑荒莊今日荒如此君去也雜悲喜

解語花

題挑燈閒看牡丹亭圖爲袁秋巖作

慙慙人瘦最怕黃昏又是黃昏雨憐卿憐我孤燈影沒

箇商量去住因緣錯注算了卻今生蘭絮再休題蘇小
鄉親淚灑西陵墓無計安排情緒想古來多少離魂
倩女癡腸如許分明是脩到人間鴛侶低鬟不語更觸
撥閒愁萬縷聽芭蕉著意淒涼讀到傷心句

杏花天

題徐寄春杏邨沽酒圖

畫檐西角箏絲直正小雨今番寒食棠梨落盡花無色
剩了饒簫牧笛早悞了玉樓消息奈此後春風狼籍
踏青歸去人非昔酒醒今宵無力

百字令

贈劉孟眉末闕卽題其飼鶴圖

詞場跌宕記江湖載酒十年成癖比日才華誰絕調近
在張南周北大禮三篇楚騷一卷名士多於鯽爲君細
數古來何等人物製就百和名香五花雜俎第一工
詞律長水迦陵今已矣從此人間無敵扇底歌圓衣邊
酒漬可許陪幫屐袁絲入座謂穀廉一時黃九秦七

少年跋扈到中年感慨莫年蕭瑟今日頭顱非老大已
過專城三十雞肋徒然貂裘敝矣此事何從說故人有
酒不如且醉今夕猶憶射策蘭成觀濤枚叔同賦淩

雲筆

少時同以八月枚乘筆賦見知於時

書劍飄零重握手一笑鬢鬢非

昔醉尉亭邊淮陰市上何止青衫溼新詞題罷滿城風
雨聲急

又開畫絹又圖成飼鶴知君何意縱說癯仙風骨好歛
啄也須隨例勾漏淘沙蓬萊采藥末路尋方技

君亦以醫術行

且營一飽人間煙火滋味可柰鍛羽矚瞳人前不舞

觸我傷心事孤負羊公平日譽媿說感恩知己駑馬殘
芻征鴻餘粒日暮途長矣雲霄直上庶幾還望吾子

摸魚兒

題蕭子蒼花間閣圖

最關情碧蘿仙子天風吹下山館東頭添補三分屋都

貯鏤金斑管楊柳岸問酒醒今宵可有人低喚花明雪
豔倩翠裏輕攏朱絲細撥更寫白團扇詞場夢我是
香愁玉怨江程山驛題徧何時買箇栽花地喚作去聲草
窗蘭畹君不見見屋角殘紅都被東風翦多情未免羨
白面郎君紅泥閨子一桁畫簾卷

聲聲慢

絡緯

豆棚墮雨蘿蔓捎煙今宵聽到秋聲乍咽仍嘯分明不
隔牆陰知他爲誰辛苦耐蕭蕭風露三夏夜愁重悵繩
河絡角織女機停卻被筠籠淡鎖看綃衣一碧翦股

雙青飼罷黃花帳鉤簾罽齊鳴休來攪殘幽夢任他家
嬾婦先驚絡秀妒妒蟲孃猜汝小名

高陽臺

松毛場作

桑翦拋春松棚銷夏酒家斜對西湖浣罷紗歸來曾
否妝梳紫鴛飛過前灣去露青山一寸睂圖問羅敷手
挈筠籃可采靡蕪畫船移向涼陰泊正搗衣石上香
咬遊魚隔著紅牆知他慣愛樓居分明不是銀河水帳
今宵閒煞黃姑指當鑪昨日門前尙有人無

端人嬌

蘭谿書所見

石磴層層春泥步步趁斜陽有人問渡驚鴻淺立紫鴛
飛度待問訊誰家怕人遙妒細數鞦尖低吹裙縷恨
隔著一層煙霧有緣小艇無情雙槳只不信人間恩
如許

三姝媚

小周后提鞦圖爲萊臧題

紅羅亭子外乍秋風生涼暗吹裙帶等到今宵看三分
月色也都無賴莫恨來遲怕有箇昭陽人待悄探羅幃
步屨聲低繡尖親拜好是淩波儀態只墮瓣雲蓮宵

樓難資觸撥么絃想琵琶一面燒槽先壞便索孃來問
破後家山何在剩有雙鉤舊樣香銷玉瘳

洞仙歌

城西詩四首意有未竟而蓮花北勝香草西來雨
事慧心繡口尤忍俊不禁復填此四解以志當日
影事倘惠休綺語便應墮入泥犁仍請玉女慈悲
替儂懺悔

紅牆白版指青楊斜巷問訊伊家款門去待鸚哥喚客
燕子穿簾遲半晌隔著雲屏偷覷知他勻面了收拾
房櫳冰簟銀牀不知暑清福幾生脩比似姮娥只碧海

青天難訴縱贈與筠籃夜來香奈如許銷魂也無銷處
榕城春色儘花評鴛譜如此嬋娟定無兩看待兒皎皎
弟子柔柔何況是絕代元機模樣花香兼玉韻聽說

梁谿半老徐孃尙無恙座客盡江南細楷叢蘭問可許

阿儂相仿待聽雨空山爲卿題怕金縷歌殘又忝惆悵

訊及錫山韻香道人色藝瑣瑣不休殊有尹邢之感
空山聽雨韻道人所繪圖也余曾題金縷曲一闕

天涯一顧優忒平聲分畱戀何物書生可銷受記替搖團

扇強脫蕉衫細細算都是相思紅豆溫存三爵過牢

記心頭第一今朝莫中酒且作比肩人略露紅襦比瘦

骨香桃還瘦問新婦何曾配參軍況名士傾城祇今難

又從來名士必說傾城其奈參軍難諧新
婦香草齋無題詩序也誦之常不去口

平生細數縱間情吟徧未讀人間玉簪記況六州鐵錯
一斛珠空原不想曳雪牽雲滋味游絲紫落絮根觸
禪心八九從來不如意杜宇又催歸武煞恩恩料此後
題書難寄但屬付東君護花鈴儻萬一重來綠陰猶未
紅窗睡

爲楊保元明府題美人晝睡圖

手插藝瓶花已妥閒不了到日高翻臥醒來且自兜衾
坐想夢兒重做湘簾方紋涼較可分明見茜窗半拓
紗廚低鎖夏無人處又釵橫鬢髻

垣半角夏無人顧
沿戶繞殘礎有一縷銀絲繡牀新
譜夏滿壁塗鴉活東文古便是新晴喚婦也不礙東廂
圖書府但莫比蠻觸紛紛改了額端眉嫵

玲瓏玉

摺扇

一把玲瓏夏搖出一種殷勤彎彎卻月霎時半化行雲
最好疎疎密密任鐙前遮影花底窺人銷魂有餘香風
外偶聞 儘費犀釘螺鈿又春觚裁樣斜壓湘痕未到
秋風已憐渠瘦骨無溫誰知層層層摺把多少簪花細
楷都做回文且懷裊過三年依舊贈君

買陂塘

寄秦藻石上舍卽題清芬榭圖

啟疎櫺一分明月三分都是煙水香東硯北安排好想
煞舊曾遊地君可記記隔歲宵淡翦燭西窗底響經校
史正載酒人來販書船泊相約訂奇字
卿嬾夢雨水
天一琴川汲古已矣人間清福誰是風流幸有秦淮海
管盡古人間事吾更喜喜一抹微雲慣寫秋山意新聲
自倚到琴尾香紅磨頭棹碧同調定能寄

蘭陵王

題王春泉緝庭池塘話雨圖

謝家宅春草今年又碧從前事雲散雪飛兄弟依依半
頭白釭花弄影直淒惻哀蟲四壁將新感攬入舊愁夜
雨沈沈悵心魄萱菱平北堂北想手撫諸雛餐盡黃
蘗號烏聲咽當窗織記屑麵分餉緯蕭親課分明往事
不忍述忍今宵追憶淅瀝滿階滴聽雁語遙秋如訴
如泣西風最苦銜蘆荻儘穩臥姜被夢休尋覓西堂無
恙且倚枕竟此夕

金縷曲

重宿南角淀旅舍不寐作

茅屋斜陽外揭簾鉤舊時題壁模糊尙在只有看花前

度客綠鬢絲絲先改怕春夢今宵無賴多少天涯鴻爪
雪被黃塵十丈風吹壞往還路又三載鄉心客思都
無奈況禁他風鈴獨語月柳敲碎一領牛衣平日淚記
否挑燈人待說詞賦從今休賣不信黃金重鑄鐵到澆
愁有酒無從買倚枕想夜如海

一萼紅

美人紡績圖爲梁碧君題

怨秋華聽一聲絡緯唬上隔窗紗束素裁雲流黃織月
蘆簾筠閣生涯最難禁元綃病領更恩恩雙髻亂堆鴉
門掩青燈天寒翠幄人瘦黃花知否年年壓綫想支

機河畔夢斷仙槎壘日情懷楮釵風貌累伊辛苦當家
又關心西風砧杵問何時歸去種胡麻忍把青衫老淚
付與琵琶

西子妝

邗上清明坐雨哭古泉用夢窗湖上清明自度曲
調

飈末微雲埵尖斜照攪得箏絃風緊春寒和我渡江來
乍濛濛雨絲催暝煙花夢醒試再向遊蹤細認看棠梨
到一番寒食殘紅飄冷 休重問十載平山頓說風流
盡黃壚醉後故人稀賦招魂綠楊朱槿

用馬雲
餞語

新煙尙

禁料蝴蝶飛來無影夏黃昏旅館瀟瀟獨聽

夏初臨

夏閨

竹簟凝冰藕衫裁雪紗廚一碧如煙商略閒情禁他日
是長年午雲吹夢難圓露紅襦自放筠簾豐肌憎汗悄
推郎遠休倚香肩松棚斜卷夕照初沈一彎茉莉雲
髻微偏回風淺立羅裙分外纖妍露院星天倚藤牀欲
坐翻眠夏嬌憨弓弓量月第幾花甌

疎簾淡月

紅蕉吟館消夏第四集分題得風鐙

盈盈蠟淚看一寸殘紅怎禁搖曳欲把金釭掩卻商量
無計憐伊玉手拚難盡便移來水晶屏底月規淡鎖雲
闌低罩影圓煙細且莫管綳紗翦紙又碾雪雕冰隔
層秋水祇愛團圞泡影照人雙髻開簾拜罷初三月但
鑪香斜裊心字更無人處秋蟲誤打一聲聲脆

前調

分題得涼棚

安排過夏早拆了鞦韆紫藤花架竿木庚庚猶在立依
檐瓦碧油幔子齊收拾翦蒲颿一層層挂柳陰移近松
毛添上綠天如畫最好是停雲欲化似野汊孤舟雨

聲來乍況有蘆簾竹屋配伊瀟灑催他一角斜陽去展
微風如此涼夜雨邊斜卷彎彎新月隔牆初射

買陂塘

題馮柳東太史拜竹詩龕填詞圖

數詞人小長蘆外江湖曾共尊酒垞南垞北千竿竹料
想碧雲如舊營一畝借近水三分隨意安牀曰金陀巷
口又琴趣題花檺煙臥雨讀曲記紅豆 休重問天上
霓裳曲奏風塵誰慣銷受算來無過青卿好直得折腰
低首歸去後向屋角西偏添種垂楊柳煙波釣叟也儘
許樵青淺斟細拍一舸訪鸞旌

百字令

余旣爲西林題赤嵌從軍第二圖復出第一圖索
詞久而未報會君奉臺檄至粵東勾當公車歲聿
云暮風雨蕭颯感事懷人爲填此解

建安才調笑書生草檄紛紛琳瑯紙上譚兵成底事誰
是親提枹鼓瘴海驚濤亂山絕徼麾扇君先渡酒闌能
說短衣猶是飛舞 夏念風雪徂冬關河卒歲南指羊
城路一紙官符三語掾換得中年辛苦我尙青瑣君先
白髮同此傷遲暮從君投筆誤人多少詞賦

憶秦娥

題梧月焚香圖桐鄉程雨卿女史畫

鑪煙爇開簾先拜團欒月團欒月姮娥心事悄無人說
霎時又見鑪煙歇碧梧枝上微雲抹微雲抹嫩涼吹
下一聲秋葉

薄倖

芳名牢記但少箇工愁女婿算受盡梨花磨折翠蔓娟
娟桑寄對六么偷數華年當初悔不紅絲繫便繡帕題
詩畫眉索筆也只商量無計縱不負朝雲夢又怎奈
殘紅墮地過湔裙時候夏衣消息斷腸一幅蕭娘紙綠
陰青子儘年年陌上花開難訴傷心事春潮一夜已隔

長橋十里

青谿三妹又喚作吳門博士夏細數兵家門閥占盡城
南佳麗看羅裳低護春纖明金壓綫絲絲細任酒盞沾
脣唾花惹裊索笑都無迴避到十載重相見纔說著
當初心事想低帷手擢雙鬟人影銀釭背照銷魂地那
番微醉怎禁他薄怒含嗔斂盡眉峯翠重尋舊約各自
無言有淚

淞濱西去認一帶花谿夾路愛手淪襟香盈琰知是移
根顧渚隔牆東容易窺人芙蓉忍把秋霜拒盼絡索宵
鳴井華曉汲只有銀河難渡忽解唱回心曲乍贏得

傾城一顧憶薰籠斜倚銅環低叩香尖一握提金縷細
吹蘭語道從前未結同心那識相思苦雙垂別淚珍重
臨歧囑咐

曲江秋晚訪昔日徐孃半面恰報道籃輿歸也揭起青
絲簾幔乍相逢偏近黃昏留人儘把淡杯勸到絮語聲
低畫屏月上妒煞雙棲梁燕且莫道恩恩甚喜從此
迎鶯送雁憶看鐙門巷重簾低罩柔荑一捻春風輕小
樓西畔怪偎人半點猩紅暈上桃花扇橫梯觸響惆悵
驚鴻去遠

內家標格是女伴從前最密教隔著晶簾偷覷可是傾

城顏色記那年簫鼓春臺長隄步屨嬌無力便買箇扁
舟玉釵人並等過朝潮晚汐曾見慣張公子無可柰
香車油碧說桃花潭水梨花庭院南來重訪春消息儘
伊憐惜但當時睂語難通悄近屏風立勝常道罷淺露
湘裙一摺

玉樓春曉問底事梳妝草草料想是蠶眠忙月催得羅
敷起早問海棠開到如今花房獨宿知多少到挑菜人
歸采櫟歌罷細訴傷春懷抱喜咫尺平橋外門對著
荆笆叢篠正新篳酒暝殷勤泥客隔簾人語東風悄淺
顰低笑算年來慣會醫花只有愁難療臨行喚坐又被

芳心暗攪

曉妝時候見玉腕雙擎翠裊但背著團欒明鏡已解私
拋紅豆倩畫裙描上泥金鴛鴦不用青絲繡奈嫁杏年
光落梅天氣未許仙桃同咒忍再過南邨路看一帶
靡蕪楊柳自妝樓人去那般零落窗兒簾子都非舊怎
堪回首只牆頭古月如丸曾照秋容瘦棠梨落盡夏有
誰人酌酒

小姑眉黛夏描出嬌憨意態第一是淩波纖樣儘有蓮
花難寶算誰家桃葉桃根扁舟許共雙雙載料豆蔻絨
香菖蒲等夢莫使遊蜂先采孤負盡看花約問說是

香愁玉瘳指橫橋西垞垂楊東面踏青舊徑斜陽外殞
宮猶在恨年年蛺蝶春風都似羅裙壞崔徽小象獨自
薰香下拜

菖華雙璧且莫管旁生側出最可愛依人飛鳥說是匏
瓜無匹畫雙鸞新月初三脩眉淡掃鵝黃額到打槳橫
塘送伊歸去也解秋波脈脈纔領畧愁滋味誰誤了
搏沙蹤蹟問才人廝養參軍新婦聘錢多少償營室玉
顏非昔數年時擁背銷寒姊妹應相憶周郎去了隔斷
吹簫信息

采蓮人近早划過紅橋小艇記昨夜秋波涼月照出亭

亭素影倩蘇娘收拾春衫香痕細入綢繆印但碧玉因
緣綠珠聲價祇怕渠儂未肯 儘宛轉淡閨語還只算
桃奴李媵盼妝前月暗殘星三五連宵好夢都難準海
棠秋冷最憐他兩怨雲愁撩亂雙蓬鬢蛾眉暗後忍把
黃金鑄恨

金縷曲

送黃心齋明府卓薦入都兼歸河曲省親

前度來閩嶠數交遊陸郎以外更誰同調才子文章循
吏傳恰直雙鳬飛到算滿座惟君年少重向天南尋昔
夢聽漁樵閒說官聲好騰薦牘十番纔 東風吹上長

安道憶瀛洲舊時仙侶花枝簪帽料想早朝人散後夢
入紅梨春曉更指點家山西笑手捧鸞書宮錦豔愛吹
笙補就新詩草遲旋旆九秋杪

釵頭鳳

紀夢

停瑤軫題鸞鏡安排好夢今番準仙裙皺金釵酒巫雲
吹散殘燈如豆否否否香篝燼孤衾冷夢中滋味無
人省思量久分離驟不曾真箇怎生銷受又又又

菩薩蠻

橫街穿過青楊巷馬纓斜壓花初放摺扇柄敲門那邊

先覩人。拂簾風響竹。燕子如人熟。故放出來遲。畫綃籠壁時。

芳蘿邨遠無人顧。錦帆直下西興渡。春夢繞杭州。傍街蘇小樓。梳妝時世好。休說徐娘老。祇怨白狼河。莫愁愁更多。

桂堂東畔銀河闊。心香共拜團圞月。小語訂秋盟。是儂同日生。題書憐小別。一寸方花溼。押尾印紅箋。乳名親手鐫。

五綵結同心

袁笛生刺史自興化餉荔支三百顆賦此志謝用

竹垞韻

青瑩浮玉絳樹牽雲追暑不愁午熱未把雞頭剝要檢
取丁香纖舌計程早算楓亭路喜驛吏紅塵遠接筠籃
倒果狀三百無數晶毬瑩徹訝道嶮山凝雪又這般
香味伊誰共說合付春葱手倩除了一裏茜紗衣摺批
平杷門巷遲春夢儘三載家山遙別況今年園丁歡喜
石背何曾偷齧

青玉案

詠薤菜花和孫平叔宮保

湖心兩界菱繩繞正胃佳尋秋擢水菜吹香浮碧藻釣

絲斜掠玉杯傾倒一簇疎花小 無心也怕春根老趁
著秋波任人拗蜨妹魚嬾生計少岸回沙淺月明煙縹
曉市筠籃埽

金縷曲

題文文山寄百五賢妹家書後同柳東作

我已無家矣數平生幾多骨肉飄零如此唱到碧嬾平
元曲比似厓山夫壻誰換取家書一紙豈有哥哥行不
得儘黃沙塞草兵戈地更莫說杜陵妹 小姑邱嫂年
時事況添箇環嬾柳女狀元門第白雁忽飛秋風惡忍
把脊令驚起只無奈谿山有弟但寄大雷江上語聽窮

猿慘絕三聲淚懷此札付千二

千二文山
族弟也

望湘人

題葉小庚司馬新輯本事詞同陸萊臧方彥聞章
虎伯作

算銀箏讀曲持贈阿誰枉拋多少紅豆捧淚澆花伴愁
種柳不管春波吹皺錦瑟簽名玉壺選格君能銷受感
舊時譜到脩簫月底曾攜纖手猶憶虹亭釣叟聽鱸
鄉野唱畫船鷺脰問題徧江南別有斷腸知否蠻花髻
小穠綾香瘦一定弓衣都繡更喜共人日梅花客裏相
逢尊酒

瑤花

許秋史茂才招客觀梨花攜笛度曲而返繪雪林
笛唱圖屬題依弁陽老人韻

雙灣湖曲十里山椒與春遊人別

章列切

琴尊前度曾記

得一路江梅如雪東風已晚又比似瓊花高潔想謫仙
春夜園亭醉盡詞場豪傑何如紫竹橫空倚樓吹罷
斜陽城闕新詞自唱一定有水面飛來蝴蝶洞簫謚我
料揀取花枝能說怕歸來化作梨雲夢見舊時明月
醉蓬萊

李蘭屏比部蘭卿太守招同人集石畫園脩禪蘭

卿用紫石林韻先成此解依韻和之時比部太守

將還朝

借一灣春水綠上蒹葭板橋西去

園卽蒹葭草堂故址

如此登臨

儘年年羈旅嵐黛吹香湖雲撥畫帶杏花疎雨問訊亭

臺近來無恙燕和人語

老輩風流詞場曹

石謝在倉杭多

少斜陽一般飛絮祇賸山谿是舊曾遊處暢好題襟連

番中酒又綠波南浦且聽明朝旗亭客唱冶春詩句

湘春夜月

題秋史蘿月山館填詞圖

近黃昏碧梧桐下脩簫又是嫩月娟娟難得可憐宵略

帶幾分秋意愛荔牆一角
胃住花梢想補蘿竝坐輕籠
翠裏低拍紅么才人不作谿山似舊金粉難描且去
填詞更誰解曉風楊柳如許魂銷君能好事況少年裙
屐招邀我亦慣向煙波自署野紅釣客漁唱谿橋

金縷曲

題文文山琴背詩拓本

原跋景炎元年蒙恩遣問
召入宿青原寺感懷之作

一掬興亡淚上西臺聲聲裂竹謝家如意偕大乾坤飛
白雁卷起平沙萬里剩一榻松風蕭寺立馬吳山天水
碧歎封疆壞盡蕉秋氏今夜雨付彈指家門破碎尋
常事祇平生壯懷未了抱琴彈死黃柏淒涼題昨夢慚

愧七娘女子更休說蕭蕭燕市閱盡滄桑焦尾在譜哀
絃彈出傷心史須護惜數行字

臺城路

王平華觀察屬題英雄兒女圖

木蘭花發東風穉盈盈一枝低護索母穿鍼從耶問字
纖手還工練素軍書笏去午歎萬里烽煙一家門戶不
是緹縈世間誰說重生女黃河流水幾曲忽蠻犍窄
裏飛騎先渡曉帳霜棲宵營月上夢入春閨無路迷離
顧免想絕塞臙脂讓伊睂嫵卸甲歸來拭妝驚伴侶北
齊女子木蘭

六朝如夢斜陽外迢迢北燕南越海上軍容人間將種
管領三朝臣妾雕弓滿月正擔簦人歸羽書先捷瞬息
中原一枝犀杖淚嗚咽長城侯已不作問蕭娘呂姥
誰是豪傑錦繖前驅油車後隊莫救臙脂殘血摩挲賜
篋又暫現瓊花頓成銷歇嶺表依朕再傳畱勁節隋譙
國洗夫人

府門醉虎無人識閨房喜逢良友絕代容華渾身膽略
不信章臺楊柳提袍在手看蕩蕩黃天陣雲低覆水立
山奔碧花雙朶正揜裊休令平飛渡北岸想軍中密
議如此佳耦羽扇齊麾樓船並載抵得黃龍杯酒倉皇

馬首恨悞國書生不知誰某老鸛驚飛怒潮終古吼
韓蘄王妻梁夫人 宋

蠻歌唱到安公子東西一谿分領十樣紅妝雙描翠雲
恰與香名相稱孤鸞照影奈揉碎花枝碧波流恨慷慨
朝天瘴煙飛墮劍光冷 劉家猶有伴侶想銀釵叩響
了髻人竝象郡開邊龍場寘驛銷得前番孤憤珠冠手
整喜拜賜歸來換梳蟬鬢百衲裙腰尙懸如斗印 明水
西水憫司女官奢香

杜鵑唬破滄桑夢蛾眉老來無恙一角河山全家骨肉
莫話平生淒愴桃花馬上看手製征袍請纓長往驟雪

追風彈孌雲鬢漫相仿 孤城夔府落日歎封疆豎子
徒議增餉血染川紅塵埋蜀碧愧煞同時諸將平臺畫
象間比似淩煙夏誰多讓割衷談兵酒闌猶抵掌 明石
石宣撫司女官秦良玉

一池春水干卿事棱棱香骨無數宛轉靡笄從容裏劒
只當尋常歌舞頭顱竟付惜獨眼非龍隻身成虎絕叫
呼天六州還鑄者番誤 孫丹陽婦髣髴祇仇人未算
遺恨千古碎玉招魂零紈咽血一掬宮人斜土長平貴
主帳寒食梨花有誰澆墓說是天潢此身真不負 明宣
人費氏

一夢紅

偕許靜谿許秋史遊建州光孝寺觀荷和秋史作
渡前川正鐘聲一杵飛墮白雲邊十里山光六朝樹色
寺門涼近秋天最難得山僧解事是齋廚春釀不須錢
北苑團龍南鄉澤瀉容我逃禪指點蓮塘一頃儘栽
花爲業圩水成田斜日谿頭野風門外況添疎柳鳴蟬
祇少箇羅衫了髻盪湖心雙槳采菱船想起慈菇葉爛
歸計今年

慶春澤慢

酬別靜谿

舊憶詞箋新添酒侶偶來倚櫂城西

建川驛名

兩兩萍花峭

風約住前谿相逢況有登臨癖喜招涼先醒詩脾共畱
題雨罨巖扃樹壓禪扉官齋暫飽桃花米奈文無遠
寄懷賦歸兮今雨無多愁雲直恁淒迷關情唱到江南
曲問鵲聲何苦宵嘯且衝泥一路看山竹傘油衣

前調

酬別秋史

僧院攜琴城彎趁月未秋已帶秋聲說到秋期儘他水
驛山城三年約共脩簫譜又誰知風笛離亭最淒清夕
照涼蟬碧樹無情憑君問訊鄉園路是吳淞北岸港

浦縱橫青竹槍籬門前枸橘叢生野紅橋外櫟灣水記
山莊春雨題名訂秋盟甚日新詞唱過松陵

桂畱山房詞集終

夫自古文章之彥名譽動遐方而其天性之隆秉資之邁非少小相習者不及知卽知之亦未必委曲詳盡也吾兄夢塘蚤負逸才一目可十行下世父香蔭先生督之嚴每屬文以晷爲度伸紙吮墨頃刻千言世父大奇之易題請試則益警敏嘗賦諸葛武侯祠易水歌篋篋曲諸歌行聲調高騰不讓老宿讀左氏傳謂古今地輿沿革不同使讀者茫無證考於是博采羣書箸春秋地理辨四卷此皆舞勺以前事也弱冠舉於鄉屢困公車丁世父艱家窶貧不克自振乞爲傭書恆橐筆遠遊所交多四方賢傑與之上下議論學益深邃而詩及文亦

加淵懿博茂浩乎莫測其涯涘金匱孫文靖公遇之最厚畱閩中八年纂脩通志以前書牕雜別爲撰定列傳經籍志金石志共三百餘卷論者謂不減朱子京歐陽永叔二家君外似和易內實峻整平居教諸弟子姪具有法度歲壬辰君子暨煒子初入學而年皆穉君自閩馳書戒之曰秀才如處女一般不可亂走一步不可亂說一話聆其言豈當世浮薄爲文之士所能言哉君年不及中壽所學未能盡展易簣時以詩文授諸煒且曰我一生心力多在於此然後必有知之者其時候官林少穆制軍撫吳中李商卿運使權臬司桐城姚碩甫觀

察宰元和而同年青浦陸萊臧郡丞亦憂居里閭聞君
逝皆嗟悼不已急索遺文謀刊之會皆散去卒不果君
長於煒三歲煒早孤世父撫之成立君亦六歲失恃受
撫於煒母少時同學形影相守者廿年余家自高祖以
下內外數十人五世未嘗析居待君出遊則家政悉付
於煒故情誼若同懷者然君交遊滿天下所服膺者獨
閩縣陳恭甫侍御武進李申耆太史今君之撰著陳先
生序之君之行誼李先生傳之煒德薄所言不足以重
君然自少小相習以來他人所不及知卽知之不能委
曲詳盡者煒獨知之爲尤悉因埶數語以告世之誦君

文者道光癸卯秋月從弟學煒謹識